



Mangalani na Xalati



Ntombizanele Nkence



Swinyenyana swimbirhi swi tshamile
ensinyeni, xin'we i Mangalani lexin'wana i
Xalati.





“Ndzi twa ndlala, Mangalani,” ku gungula
Xalati a ri karhi a phapha timpapa ta yena
letintsongo.

Mangalani a ha langutile dyambu leri a ri ti
komba ri tlhavile swinene hi rivoningo.



Xalati u pfurile timpapa ta yena a haha
hikuva a ri na ndlala, a siya boti wa yena
Mangalani, loyi a ha tiphina hi dyambu.





Endzhaku ka nkarhi, Mangalani u lemukile
leswaku Xalati a nga kona e tlhelo ka yena.

U swi tsundzukile leswaku a ku ri nkarhi wo
dya, naswona Xalati a nga se tshama a ya
lava swakudya a ri yexe.



Hi timpapa ta yena letikulu, u yile a ya n'wi lava.





U vonile swinyenyana swin'wana swi ri karhi
swi tlakula swakudya exigangeni.

“Xana a mi vonanga xinyenyana lexintsongo
lexi vitaniwaka Xalati?”

“*Tswi tswi...*”

Swinyenyana leswin'wana a swi se n'wi vona
Xalati.




Hi timpapa ta yena letikulu, u hahile a ya lava Xalati.

U vonile masekwa ekusuhi na xidziva, ivi a vutisa.

“Xana a mi vonanga xinyenyana lexintsongo lexi vitaniwaka Xalati?”

“*Kwa kwa...*”

Masekwa a ya se n’wi vona Xalati.





Mangalani loyi a ri ku vileleni swinene u vona swivungu a ri empfhukeni. U tshunerile ekusuhi. U vile na ntshembho tanihi leswi a swi tiva leswaku Xalati u rhandza swivungu.



Tanihi laha a anakanyeke ha kona, Xalati a ri kona a ri karhi a dya swivungu.

Mangalani u n'wayitelele endzeni loko a vona Xalati. Se a swi tiva leswaku a nga ha ri xinyenyana lexintsongo kambe xinyenyana lexi nga kula. Wa swikota ku ti lavela swo dya.





Xalati u n'wayiterile loko a vona Mangalani.

Ha vumbirhi ka vona va dyile swivungu ku
kondza va xurha, va ri karhi va yimbelela.

Kutani va hahela henhla, Xalati a rhangile.



A ku pela dyambu loko va tlhelela eka
ndhawu ya vona leyi va yi rhandzaka. Xalati
u hlayerile Mangalani hi ta ntokoto na rendzo
ra yena. A va tsakile.

